

928
七
6

誠齋集

六





誠齋集卷第二十一

廬陵楊

万里

廷秀

朝天集

寄題喻叔奇國博郎中園亭二十六詠

金谷惟堪貯俗塵
輞川今復得詩人
先生道是貧到骨
猶有山園斗大春

右亦好園

洞庭張樂起天風
玉磬吹來隨圃中
却被仙人鎔作水
為君到底寫秋空

右磬湖

烏龍灘下白雲堆上有狂奴舊釣臺一夕被君偷
取去至今猶帶漢莓苔

右釣磯

春有兒孫夏有朋月中寒影雨中聲臘晴銷盡一
園雪為底林間雪不晴

右蘆葦林

亦好園中亦好亭兩重好處兩重貧客來莫道無
供給抹月批風當八珍

右亦好亭

水為仙骨水為肌意淡香幽祗自知青女素娥非
耐冷一生耐冷是橫枝

右橫枝

橫枝直下是清池花映清池水映枝知是君描和
靖句不知和靖寄君詩

右清淺池

舊繞新榮綠萬蟠架餘籬剥復垂欄先生醉帽堆
香雪知自茶糜洞裏還

右茶糜洞

湧岫跳峯尺許寬坐看雲霧起岩間九疑荒遠巫

陽陰未必真山勝假山

小山

錦障豪華笑駛童松圖冷淡惱山翁玉山頽處誰扶着花作屏風倚暖紅

右花屏

青士從來一徑幽碧衫翠袖佩蒼璆何年筆戰明光殿奪得詩仙紫綺裘

右紫君林

水精方局石橋仙知是柯山幾伐孫月借繁星作碁子夜寒賭得一金盆

右方池

亦好亭兼弄月亭磬湖不許兩通行誰拖蠛蝶湖光尾便有先生拄杖聲

右野橋

身在京師夢在鄉黃花又是一番黃平生不鮮淵明語菊却猶存徑却荒

右菊徑

兩餘想見藥苗肥薯蕷堪羹杞可齧老賊何須投益智先生只要買當歸

右藥畦

碧天如水水如天月入湖中璧樣圓却被先生來

弄碎一團成百百成千

右弄月亭

桃李無言照水光
玻瓈盆底洗新粧
不須水上紅雲句
水上紅雲不解香

右花嶼

柳下湖光淨一天
湖邊垂柳起三眼
小蠻自倚腰支裏
照鏡梳頭曉月前

右柳隄

名園曲水費工夫
梵瓈磨滴水無誰把
流觴借詩老天生九曲
一永渠

右曲水

秧疇水落荇渠尖
玉石當中碧一奩石
面皺千花織出水精簾

右水簾

渠水來從林外泓
水知湖近各爭鳴
何人月下攜枯木
寫取穿雲落澗聲

右水樂

石灰拳然萬仞姿
竹君嘯處一川漪
更無二客隨巾屨
誰見先生覓句時

右竹巖

鴈下菰蒲報夕寒鶯將荇藻作朝餐野塘只許野人到不要金張許史看

右野塘

詩人性癖愛看山曉坐堂中夕嬾還只對月山無限好月山外面八雙鬟正對十
六峯

右愛山堂

細雨初憐濕翠裳新晴特地試紅粧無人會得東風意春色都將付海棠

右海棠塢

昔人只解笑移山未信移山不作難一時月山三

里外先生掇取近欄干

右月山

題永新吳景蘓主簿梯雲樓

誰道青雲不可梯君家樓閣與雲齊諱臣內相名垂日諫草詞頭字印泥我昔曾為禾水客夢中猶憶義山西仇香自有家聲在豈使鸞皇棘上栖

題安城趙寬之慈順堂

天演龍種與人殊五鳳仍傳萬卷書象服在堂萱草暖綵衣上壽棣華初雪中密竹能抽筍冰底寒江更躍魚趙氏弟兄俱玉樹良齊文字即瓊瑤

寄題曾子興競秀亭

老夫上下蓼花灘每過君家輒繫船尊酒燈前山人座孤鴻月底水連天暄涼書間二千里場屋聲名三十年競秀主人文似豹不應霧隱萬峯邊

送朝士使虜

又見皇華賦北征謫仙俊氣似秋鶩詩成紫塞三更月馬渡黃河十丈水趙北燕南有人否禽胡歸漢竟誰曾天家社稷英靈在佳氣時時起五陵

冬至稱賀

紫宸殿及

德壽宮

宮燭奔忙下玉除晨曦拂掠麗儲胥東西班動雲
開合警蹕聲來電卷舒隆準衣裳紅一點御香煙
霧碧千廬勦華二聖天齊壽亞歲年年賀

帝居

冬至後賀

皇太子及

平陽郡王

長樂鍾聲攬夢驚建章星影照人行千官燈語聽
殘點一夜霜寒在五更金鑰王侯開北闕銀鞍系

控謁東明青宮朱邸環天極五色祥雲覆帝城

政張功父通判直閣所惠約齋詩乙藁

句裏勤分似燈前得細嘗孤芳後山種一瓣放翁
香苦處霜爭潤臞來鶴校強不應窮活計公子也

忙忙

張功父舊字時可慕郭功父故易之求予

書其意再贈五字

永雪相投處風期一笑間只今張桂隱絕慕郭青
山功父雙何遠相如了不關鳥飛暮天碧此句急
追還

走筆和張功父玉照堂十絕句

健青新走一梢長外目東風引得狂定自今番春

色裏新枝別樣占年光

年年春信遣人疑賺出詩人枉覓詩着意探梅偏
不發月斜偶見一橫枝

驥女癡兒抱愛梅道人衲子亦爭教何如雪後瓊
瑤跡印記詩人獨自來

梅詩脫草已流傳要趁梅前更雪前喚醒誠齋山
裏夢落英如雪枕輒眠

紅紅紫紫儘絢紅韻處終輸瘦嶺君未說王花水

雪骨新陰先綠半春雲

常年十月未花開雪片今年九月圓便有早梅隨
早雪一枝笑看萬花摧

今歲畧無霜報寒忽然一夜雪漫漫雪花要作梅
花地十月早梅和雪看

老見千花眼便昏憶梅長為賦招魂只今身住西
湖上不羨淮南嶺上村

玉照堂中淪早茶下臨溪水織紋紗十詩小試春
風手催發溪梅兩岸花

老嬾狂吟不要工愛君七字晉唐風更煩傳語梅

花道火急齊開小至中

曉經八盤嶺赴

東宮講堂

至前至後恰多晴山北山南間一登瘦石經霜乾
脫蘚細泉滴澗旋成冰海波貫日紅千丈江霧蒙
樓玉萬層資善堂前得春早宮梅一朶掠觚棱

出北關門送李舍使虜

同寮緩轡出承華又送雙星水北涯霜外汀洲蘆
葉曉雪餘園圃竹梢斜只驚睡起猶殘月不覺皎
時已落霞白首鴛行徒索米故山今日政梅花

赴

文德殿聽麻仍拜表

蒼龍觀闕啓槐宸白玉堦除振鷺群仗外諸峯獻
松雪霜前一鴈度宮雲舍人就日宣麻制丞相瞻
天進表文夙退自欣還自笑素餐便當策殊勲

跋尤延之山水兩軸

水除蘆青荷葉黃霜前木落蓼花香漁舟去盡天
將夕雪色飛來鶩一行
水漱瓊沙永已澌野鳧半起半猶遲千竿脩竹一
江碧只欠梅花三兩枝

紫宸殿拜表賀雪

怪來臘日起春風一夜瓊花發禁中大地山河銀
色界九重樓觀水精宮紫宸廊迥寒無價文石庭
乾掃不融又喜來年書大有誰知

聖主是天公

稍緩鳴軌不住催一聲再拜忽如雷封章進了儀
曹退文武班齊上相來白髮兩年陪賀雪紫衣數
輦小傳杯賜休退食端何恨未到西湖探早梅

衝雪送陸子靜

猛落還中歇踈飛忽驟繁平欺蘆屋脊偏護竹簷

根對面看童子低頭印手痕銷魂送行客行客更
銷魂

雪中送客過清閑

雪中出去雪中回深閉牕櫺偶一開牆裏人家掃
檐瓦玉塵打入轎牕來
肩輿九步十傾欹下有氷可不敢窺氷上水禽行
似箭忽逢缺處得魚兒

和

皇太子梅詩

清賞堂前隔俗塵南枝得雪曉爭新獨將却月凌

風影挽鞶 儲皇第一春
梅仙蹈雪步生塵 儲后梅詩雪共新玉句金章
雲錦字問天覓得隔年春

和吳監丞景雪中湖上訪梅

朔風敢傍貴人嚴約束天花莫入檐蘂玉船寬初
歛銷金帳暖政厭厭

七字全勝五字城清於庾信及鍾嵘君詩妙絕端
何似不似梅花似麼生

雪與梅花兩逼真不知誰好復誰新無端更入吳
融手剪取西湖半段春

聞君蹈雪訪梅花
不怕蘪堤十里縣老子怯寒那
敢出地爐搢拙是生涯

早謁

景靈宮

夜雪猶飄天目峯
曉晴先暖太清官雲翻孔雀金
花碧日射鴛鴦玉瓦紅
百辟焚香官柳影一鶼飛
立殿檐東仰瞻
九聖懸龍袞萬歲千秋對昊穹

送吳監丞季行知簡州名景

勲烈涪陽異姓王
手扶西極漢天長
有孫文武千人傑
遠紙風騷萬字香
小涉移中公事筆又懷劍

外史君章同朝多日相從步不唱陽關也断腸

送陸子靜刪定宮使

朝路江西不十人
又看一箇奉仙真
可憐議論長
頤坐不管聲名解
誤身苦憶去年郊
祀日與渠並
轡笑談奉何時
相趁滄洲去
雪笠風蓑釣白蘋

雪晴

仙人翦水作花飛
忽化瓊瑤已大奇
復把瓊瑤化成水
滴來平地總琉璃

晴光雪色忽相逢
兩滴空堦日影中
珍重北檐殊韻勝
苟留殘玉不教融

和

皇太子瑞雪

白玉花開碧玉天
禁樓繞殿舞翩然
天皇德瑞應金穰
萬年操雲按霧碎
成塵落不曾休
酉達辰鶴禁鑼永成
七字野人拜賜敢辭頻

東宮謝受左司告
扶乘梢上上朝輶
起早行遲却載奔
玉作宮城三萬雉
呼僮換馬入金門

玉京世界大千中
銀屋樓臺一萬重
好上寶蓮山上望
南高峯照北高峯

晴後再雪

幸自晴光雪半開
誰將泥脚涴瓊瑰
水仙上訴姮娥泣
再遣天花散一回

膝家仙子六瓊娘
煮露為酥不剩漿
滴作玉虫千萬隻
一時飛滿白雲鄉

天上瓊樓萬玉妃
月宮學舞試雲衣
霓裳未徹天風起
腦子鉢星散飛

八盤嶺上雪偏清
萬斛瓊塵作一頃
空裏仰看都

不見碧山映得却分明

讀子房傳

笑賭乾坤看兩龍淮陰目動即雌雄興王大計無尋處却在先生一躡中

雪中講堂賜酒

玉果金柈碼磁觴春坊傳令賜雲漿冰雪中上馬渾如夢一片飄來醉面涼

袖手垂鞭出帝闈萬花欄馬舞新春是時也有青油織天上歸來雪滿身

立春後一日和張功父園梅未兆之韻

前夕三更月落時東風已動萬花知江梅端合先交割春色如何未探支只欠染溪冰柱句追還和靖晴香詩家刺有葱根指不把瓊酥滴一枝

白頭吟

文君自製白頭吟怨思來時海未深怨殺相如債底事初頭苦信一張琴除却共姜是女師柏舟便到白頭辭勸渠莫怨終難勸不道前夫怨阿誰

丁未元月

大慶殿拜表賀正

獻歲朝未央新霽快明發晨曦耿五色宿靄散四
徹洗清萬溝瓦銷盡一月雪素光從何來晶熒落
寒笏回瞻背陰處猶藏半檐白夜來有微霜雪上
辨不得時於翠幕頂掃掠見瓊屑還將黃金日正
射白銀闕忽然捲班出紅綠亂眼顧歸來飲署酥
笑向兒女說

元日癸卯占云大熟

造物今年印司花暉夜交雪留蘆荻脚日到瑞香
捎白叟占嘉應青精看滿抄游絲也驩喜不住舞
蠟蛸

送趙民則少監提舉

漢庭近日少宗盟博選宗英副直卿高帝子孫誰
宿德翰林風月得先生又持一節湖南去政是三
湘鴈北征但使遠民蒙福了早歸詞禁賦新鶯
座主門生四十年江湖契闊幾風煙同朝每接鴛
行裏握手相看鶴髮前誤喜論詩追舊事不知呼
酒是離筵老懷只作還山夢輸與先生早著鞭

山堂不雙峰定水臻老送木犀香

春得郢江信香從定水來今年有奇事正月木犀
開

萬杵黃金屑九蒸碧梧骨詩老坐雪窓天香來月窟

山童不解事著火太酷烈要輸不盡香急喚薄銀葉

窟

傳語雙峯老汝師是如來如何一瓣香却爲楊誠齋誰言定水禪入定似枯木龜入廣寒宮收得香萬解

人日出游湖上

放闢冷泉亭抽動一天碧平地跳雪山晴空下霹

靄

去時數點雨歸時數片雪兩雨雪兩不多山路雙清絕

舊臘緣多雪新年未有梅殷勤下天竺隔水兩株開

肩輿豈不穩萬象非我有呼童換馬來湖山落吾手

樹隱重重竹溪穿曲曲峰林深那有寺煙遠忽聞鍾

城中雪一尺山中雪一丈地上都已消却在松梢

上

去歲游春屐苔痕故可尋人家隨岸遠塔影落湖深

客愛清殊絕僧愁凍不勝可憐兜率寺齊供一湖水

上竺雪來時四山都作凍團團玉屏風圍繞渾無縫

此行殊忽忽天色不肯借更待海棠晴滿意孤山下

嘉定元年春三月男長孺編定
端平元年夏五月門人羅茂良校正

嘉定元年春三月
吳融
歸故

誠齋集卷第二十二

盧陵楊

万里

廷秀

詩

朝天集

瑞香花新開

外著明霞綺中裁淡玉紗
森千萬筍旋施兩三
花小靈迎風喜輕寒索慕
遜香中直上瑞蘭處
敢

名家

老子觀書倦昏然睡思來夢中誰喚醒牕外瑞香
開只道花頭細能追國艷面熟憇伴幽獨渠與一

祝梅

短短熏籠小團圓。錦帆圍浮陽。烘酒思沉水。着人
衣抹利通家遠。揃花具體微。春愁渾瘦盡。別有瘦
中肥。

雪裏移蒼斛。梢頭點翠芒。只銷三月暖。便坼數花
房。紫袖染難透。瓊膚曬轉香。小留供鼻觀。開去未
須忙。

馨德潛丘岳。春風是徃還。新從衆香國。移種洞庭
山。孤韻真無對。千花更莫攀。驅經吾欲續。譜入芷
蘅間。

謝李允德郎中餉家釀

長史銜杯太白醺。訛詞笑殺古來人。至今太白一
船酒不飲還將飲子雲。

惠山山下玉泉香。釀作鵝兒一拂黃。吏部只知防
姓畢。不知吏部有他楊。

初出貢院買山寒毬花數枝

寒毬着意殿餘芳。小底來禽大海棠。初喜艷紅明。
苔子忽看淡白散。花房風光不到棘。圍裏春色也尋
茅舍旁。便有蜜蜂三兩輩。喙長三尺繞枝忙。

紫牡丹

萬花不分不春妍至竟專春是牡丹紫錦香囊金
屑暖翠羅舞袖掌文寒恨無國色天香句借與風
條日暮看家有洛陽一千乃至三年歸夢繞欄干
歲歲東風二月時同花辛苦染晴枝夜輸百斛蓄
薇水曉洗千層玉雪肌寒食清明空過了姚黃魏
紫不曾知春愁蹙得眉頭破何處如今更有詩

上已同沉虞卿尤延之王順伯林景思游

湖上得十絕句呈同社

鵠袍林裏過芳辰聞道春來不識春及至識春春
已老於中更老是詩人

總宜亭子小如拳着得西湖不見痕湖上軒牕無
不好何須抵死揀名園

孤山山後北山前十里長堤闊兩邊一行垂楊綠
無縫石橋通處過春船

天色鬟鬆未肯收吾儕自樂不曾愁隨宜旋旋商量
著睛即閑行雨即休

籃輿休上馬休騎濕却青鞋也不辭揀取雨絲踝
處去攜筇且謁水仙祠

兩催杖屨却湏回捲上疎簾眼頓開十里湖光平
似鏡柳梢梢外一船來

湖上春游只愛晴何朝何夕不晴明絕憐踐雨微
雲裏點綴湖山分外清

凭久欄干可一拏湖山飛入水中來多情燕子能
相勸舞破東風去却回

少年山路少人來酒肆蕭然綺席埃政雨坐愁春
寂寥盡船簫鼓忽如雷

岸上湖中各自奇山觴水酌兩皆宜只言游舫渾
如畫身在畫中元不知

跋淳溪汪立義大學致知圖

杏壇何物是家風只在當人阿堵中誰作新圖漏

消息淳溪溪上釣魚翁

此事元無淺與深着衣喫飯送光陰却緣說似癡
人夢便向汪家圖裏尋

景靈宮聞子規

今年未有子規聲忽向宮中樹上鳴告訴落花春
不管裴回曉月恨難平斜風細雨又三月柳絮浮
雲空一生豈不懷歸歸未得倩渠傳語故園鶯

寄題劉成功錦里

嘉林市中塵一丈嘉林寺後竹千竿先君授徒竹
窓底我初識君俱少年同師同舍同筆硯大冷燈

青飛雪片春風一夜吹林花南北飄零各星散我
今頭白苦思歸羨君山園芋栗肥為君題作小錦
里君應一笑巾隱儿

讀淵明詩

少年喜讀書晚悔昔草草迨今得書味又恨身已
老淵明非生面釋歲識已早極知人更賢未契詩
獨好塵中談久勝服處目偶到故交了無改乃似
未見寶貌同覺神異舊說出新妙凋空那有痕滅
跡不湏禡腹腴八珍初天巧萬象表向來心獨苦
膚見欲幽討寄謝穎濱翁何謂淡且槁

送謝子肅提舉寺丞

天台山秀古多賢晚向池塘識惠連十載江湖州
縣底一言金石冕旒前方陪廷尉甘棠舍又賦皇
華小雅篇拾得澄江春草句端能染寄仄釐牋
誰遣孤舟蓑笠翁強隨桃李競春風交情頃刻雲
翻手古意淒涼月印空可笑能詩今謝朓也能載
酒過楊雄待渠歸直金鑾日我已煙沙放釣筒

送錢寺正出守廣德軍二首

四十專城古已稀君侯五七更英奇九重臨遺廷
尉正千里驅迎循吏師鴻鴈同科金玉律鶴鸞先

集鳳凰枝少年勇退無人會孤竹初心遜伯夷

寺與兄同大法之科寺正先召用今其兄外將還朝寺正力請外以遜其進取

辛卯中書落筆年曾陪學士堵牆間看渠手把州

麾去故里春迎畫繡還我似青蒿君玉樹君方綠

鬢我蒼顏一尊話別休辭醉報政歸來紫禁班

鄉士李英才得老潘墨法善作墨梅復喜

作詩艮齋目以三奇贈之七字復同賦云

吾卿李君磊嵬胸夜持雲梯倚秋空中奪得修
月斧斫倒南山千歲松東歸丹竈和玉桂燧出綠
霧霏鸞龍擣成玄圭與蒼壁灑作橫枝歲寒色庚

嶺霜林和靖園掇人生綃供戲劇幻松作璧璧作
梅豪氣勃鬱尚不開瓊艘滿醻梅雪下吐出西湖

有聲畫

送姜夔堯章謁石湖先生

釣璜英氣橫白蜺欸唾珠玉皆新詩江山愁訴鶯
為泣鬼神露索天洩機彭蠡波心弄明月詩星入
腸肺肝裂吐作春風百種花吹散瀕湖數峯雪青
鞋布鞦軟紅塵千詩只博一字貧吾友夷陵蕭太
守逢人說君不離口袖詩東來謁老夫慙無高價
當璠璵翻然却買松江艇往去蘓州參石湖

三月二十六殿試進士得罪集美殿門

金兜瑤階日月邊曉風花柳帶非煙千官劍佩鳴

雙闕萬國英豪到九天玉座忽臨黃繖正

初出紫衣傳小臣何幸陪諸老待罪重來十六年

余壬辰春亦以省試主司待罪

九虎遮藏造化機

御題過午始聞知乾坤闔闢兼文武雲漢昭回具訓詞

武帝上嘉真戲耳放勲清問政如斯諸儒莫作公孫子

千載何曾遇

聖時

趙達明大社四月一日招游西湖

今日清和和又清王孫領客出都城好天勝日能
多少三到西湖始一晴

畫舫侵晨繫柳枝主人生怕客來遲嬌雲嫩日無
風色幸是湖船好放晴

船從詠澤過孤山徑度琉璃一簾間隔岸多情楊
柳樹向人招喚俯煙鬟

御池水滿苑門開泥帶飛花路帶苔到得孤山翻
作惡海棠閑月不曾來

萍生兒子點踈星荷捲文書立萬丁回首南高峰
上塔手中攀得玉玲瓏

橘花如雪細吹香杏子園枝未可嘗行到陳朝枯
柏處孤山山背水中央

和靖先生墳已荒空餘松竹故蒼蒼王孫自洗鷺
鷀杓滿酌真珠酌一觴

行盡孤山碧四圍却尋初路得來時好風借與歸
船便吹近瓊林却不吹前小泊聚景園

風撩大浪小荷欹日麗長楊花影低闌入苑中啼
不歇恨身不及一黃鸝

葱蘢晚色正佳哉苦被歸鞍緊緊催船屢浮荷汎
水底湏臾船過却浮來

紅玫瑰

非關月季姓名同不與薔薇譜謀通接衆連枝千
萬綠一花兩色淺深紅風流各自燕支格雨露何
私造化功別有國香收不得詩人熏入水汎中

省中直舍因敲新懷周元吉

老眼逢書怯細看抄書一事更應難昨攜如意敲
新籜右臂朝來作許酸

尚有周郎手種痕懷人將竹當人看寄言黃鸝樓
前客今歲新添十五竿

老竹堅剛幼竹柔此君年少也風流錦衣脫體未

全瘦雪粉圍腰猶半愁

含笑

大笑何如小笑香紫花不似白花粧不知自笑還
相笑笑殺人來斷殺腸

枇杷

大葉從長耳一梢堪滿盤荔枝分與核金橘却無
酸兩厭低枝重漿流冰去色齒寒長卿今尚在莫遣

作園官

走筆送濟翁弟過浙東謁丘宗卿

出省還家思已昏荅書見客腹仍煩政愁獨酌無

佳客家裏詩人忽扣門
若見丘遲問老夫為言臞似向來臞更將雙眼寄
吾弟帶去稽山看鑑湖

題西湖僧房

竹林深處著禪房下却疎簾自炷香書畫隨宜選
四壁閑欹瓦枕小藤床

省中見樹上啄木鳥戲題

一啄高高一啄低一聲聲急一聲遲可憐去蠹勞
心口蠟入枯梨自不知

山丹花

春去無芳可得尋山丹最晚出雲林柿紅一色明
羅袖金粉群蟲集寶簪花似鹿葱還耐久葉如芍
藥不多深青泥瓦斛移山藪聊著書牕伴小吟

四月十七日侍立

集英殿觀進士唱名

殿上臚傳第一聲殿前拭目萬人驚名登龍虎黃
金榜人在煙霄白玉京香滿乾坤書一卷風吹鬢
鬟雪千莖舊時脫却銀袍處還望清光侍集英

無題

坐看胡孫上樹頭旁人只恐墮深溝渠儂狡猾何
須教說與旁人莫浪愁

張功父索余近詩余以南海朝天二集示
之蒙題七字

作者于今星樣稀淒其望古馳難追空索孤竹陶
元亮玉佩瓊琚杜拾遺自笑金秋如嬾婦見古今
注可能擊鼓和馮夷報章不作南金直慙愧君家

丙藁詩

葡萄架

繞喜盤藤捲葉生又驚厭架暗陰成夏褰涼潤青

油幕秋摘甘寒黑水精近竹猶爭一尺許拋鬚先
胥兩三莖今年乞種西江去長是茅齋怯晚晴

送沈虞卿秘監脩撰將漕江東

蓬萊仙伯沉東陽領袖諸儒太極旁東壁二星雲
漢近西崑群玉簡編香雞翹豹尾無多子錦纜牙
檣有底忙建業江山入詩集却歸天上侍

虛皇

再入脩門訪舊游故人相見喜還愁茂林脩竹君
鬢碧折葦枯荷我鬢秋貞把昇沉著懷抱古來賢
聖幾公侯一尊追送江東棹夢逐清波弄白鷗

臨賀別駕李子西同年寄五字詩以杜句

君隨丞相後為韻和以謝焉

我本南溪老手弄溪中雲誦詩愛招隱讀騎續湘
君忽捧公府檄遂遠先人墳春暮歸未得落花政
紛紛

老拙誰肯伴束書自相隨此外無長物猶有一鴟
夷小醉即孤詠自遣不要奇西湖妙天下未羨習
家池

謫仙幾代孫今日臨賀丞風月三千首吾子豈未
能長把脩月斧細彫玉壺永天池羽翼就即看垂

天鵬

曲江興臨武彼此昔相望一嶺大如礪誰云隔尋丈離合非人力此事要天相昇沉亦偶然豈問優與隣

買山蓗花竹長恐落人後不見竹林人山王非俎豆市門能幾許掉臂日奔湊遲子來朝天商略陳薄陋

游水月寺

荔日蕪雲乍暑天倦投山寺借床眠清涼世界誰曾到却在紅塵紫陌邊

題水月寺寒秀軒

小寺深門一逕斜繞身縈面總煙霞低低簷入低樹小小盆盛小小花經藏中間看佛畫竹林外面是人家山僧笑道知儂渴其實迎賓例淪茶

歸塗觀劉寺新疊石山

風月肝脾冰雪胸道人妙手鑿虛空劖翻諸嶺雲煙骨幻出山巖紫翠峯細看分非但餌如何彫得許玲瓏為誰苦死忙歸去知是斜陽是晚鍾

題劉寺僧房

曾醉山間金叵羅山應識我我懷他頓添花竹明

松檜依舊菰蒲晴芰荷試問錦屏無恙否向來梅
樹已無多未湏看遍新亭榭勝日重來一一過

和嚴州添倅趙彥先寄四絕句

不見王孫今九春新詞麗曲爽心神只言風月平
分破却是江湖一散人

自搏蒼壁自批書雪乳一甌香一燼有得俸錢無
吏青如公官況世間無

昌歎佳辰風自南黃梅釀出兩鬟鬟綺琴繡段能
分似報不如儀獨不憇

離鳳今年又一鳴芝蘭秀發不曾停州前爭探黃

金榜却報城隅最冷廬

戲題檐間蜘蛛

屋角籬尖竹樹陰可憐用盡許機心凝身不動如
無物頓綱輕搖試有禽絲貫日華明五色戲隨風
舞忽千尋看渠經緯來還去志却摧隤立不禁

跋忠敏任公遺帖

謂伯雨下京謂二蔡也

市中貨鵝作參苓遶莫秦和苦口爭殺盡蒼生消
底物下京兩把老蔓菁為參故首句云公帖中謂曾布

同尤延之京仲遠玉壺餞客

南漪亭上據胡床不負西湖五月涼十里水風已

無價水風底裏更荷香

金杯玉酒沉去寒冰青李來禽尚帶生不是此間
無暑氣湖風吹取過臨平

玉壺餞客獨趙達明末至云迓族長於龍
山且談道中事戲為紀之

南山行盡到西湖却上扁舟赴玉壺十里便成三
十里暑中何處不長塗

公子從來火傘中解衣未定語忽忽山行觸熱端
何事夾路楊梅樹樹紅

食蓮子

綠玉蜂房白玉峯折來帶露微含風玻璃盆面水
漿底醉嚼新蓮一百蓬

白蓮

井花新挿白芙蓉坐着看紛紛脫雪膚自拾落英浮
水面玉舟撩亂滿江湖

酷暑觀小僮汲水澆石假山

堂後檐前小石山一峯瘦削四峯攢忽騰絕壁三千丈飛下清泉六月寒乃是家僮聊戲事倒傾古井作鶩湍老夫畏熱年來甚更借跳珠裂玉看

清曉湖上

山腰輕束一綃雲湖面初顰半蹙痕未說湖山佳處在清晨小出湧金門

菰月蘋風逗葛裳出城趁得上番涼荷花笑沫燕支露將謂無人見曉粧

六月西湖錦繡鄉千層翠蓋萬紅粧都將月露清涼氣併作侵晨一噴香

大兒長孺同羅時清尋涼監橋

燈火希蹤夜向中追涼只與熱相逢意行行到新橋上兩岸無人四面風

晚出兜率寺送許耀卿

天竺興雲線許長須臾遞盡衆蒼蒼何如灑作千峯雨乞與都城六月涼

兜率山深露氣清柳陰暗處藕花明無端拾得閑煩惱背却西湖又入城

蒲橋寓舍劇暑

三歲都城寓遠坊今年一熱古無雙夜來何處山村兩涼到蒲橋橋北窓

林景思寄贈五言以長句謝之

華亭沉虞卿惠山充庭之每見無雜語只說林景思試問景思有何好佳句驚人人絕倒句句飛從

月外來可羞王公薦穹昊若人乘雲駕天風秋衣
剪菊裁芙蓉暮宿銀漢朝蓬宮我欲從之東海東
西湖柳色二三月相逢一笑冠纓絕醉招和靖咲
東坡一吸西湖湖欲竭我醉自眠君自顛路人徃
徃指作仙此輩何曾識此樂識與不識俱可憐別
時花開今已落思君令人瘦如鶴夢裏隨君攜酒
瓢同登天台度石橋瀑泉界天鴻雲窟長松拔地
挽煙霄與君聯句章未了帝城鐘動西峯曉海風
吹隨珊瑚枝乃是先生寄我詩大雲燒江江水沸
君詩清涼過於水定知來自雪巢底恍然坐我天

台寺

李仁甫侍講閣學挽詩

紫橐猶黃帽青燈到白頭芝庭過晃董金鑽續春
秋曉月承明寂東風玉壘愁慙慙倩倩潮水將湊去

西州

高議春江壯長身野鶴孤生涯一杯酒行李五車
書凡例今迂叟聲名後老鰐岷峨氣懷愴不為王

將珠

故王氏令人挽

陳安行
舍人妻

具葉參抵樹蕃簪當副笄來嬪舍人樣如古大夫

妻鸞誥金花濕芝庭玉樹齊礪成奔月去寂寞海

山西

西掖梧方茂南瀕藻已蕪謝庭風絮遠潘室月窓
孤有訓才吾子無人乳阿姑弔賓成白鶴卜地得

青鳥

錢仲耕殿撰侍郎挽詩

易髓三爻表恩波九里強貫珠程氏傳炊玉范家
莊荷橐中年紫芸籤到老香不應踰耳順便返白
雲鄉

使節三持玉州轎兩盡熊雪山郇寶白永漕太倉

紅理世非輕士才難會憶公石峯當西子作殉送
青楓

周子及監簿挽詩

科目連雙中聲名莫二渠手曾攀折檻客有泪辭
車速化非吾事偷閑只古書黑頭黃壤去有昊定
何如

投老欣捐得論心恨較遲披文流涕疏分韻泛湖
詩天奪過逢樂人興殄瘁悲何湏金馬客解製玉

樓辭

洪丞相挽辭

乾道扶初旭中台煥五雲繞登右丞相已拜大觀
文胡不遲朞月看渠集茂勲一朝驚玉折千載歎

芝焚

家譜忠仍孝詞林博更宏牧舐無是子雖風有難兄誰謂身非達其如道不行青蠅滿天地白日轉

清明

太令人田氏挽辭

王侍郎謙仲之母

天竺瓊為岫西湖錦作春輕軒過微雨小宰大夫人游覽年年好恩封日日新如何君氏贈忽費水

衡銀

家食初偕隱君囊晚得嘗金花千軸告玉樹五枝香咫尺相山室葱臘瓦廟岡真令淮水絕依舊慶

源長

嘉定元年春三月男

長孺

編定

端平元年夏五月門人羅

茂良

校正

誠齋集卷第二十三

廬陵楊

万里

廷秀

詩

朝天集

寄題劉疑之墳山壯節亭用軌轂體
見了廬山想此賢此賢見了失廬山胸中書卷雲
奏亂身外功名夢等閑一點目光牛背上五絃心
在鴈行間欲爭壯節題崖石筆挾風霜齒頰寒

寄題周元吉湖北漕司忠功堂

周郎昨贊元戎幕夜眺秦川登劍閣函關不用一

丸泥談笑生風掃河洛君王尺一喚渠固貯之鳳
閣與鸞臺不贊元戎贊丞相筆補造化裨鹽梅龍
媒志在橫八極天閑玉轎羈不得又揮白羽岸綸
巾却去武昌尋赤壁一覽亭前山月明志功堂下
大江橫前稱公瑾後元吉君家世有千人英公瑾
小喬在何許元吉小麪花解語看君一箭落胡星
如臯一笑傾人城金印如斗帶萬釘何人為作燕
然銘

曉出淨慈送林子方

出得西湖月尚殘荷花蕩裏柳行間紅香世界清

涼國行了南山却北山

畢竟西湖六月中風光不與四時同接天蓮葉無
窮碧映日荷花別樣紅

題北山教場亭子

掌樣綵場五百弓帝城何地似亭中北山南畔南
山北獨受西湖萬頃風

送林子方直閣秘書將漕閩部

統赴鋒車入帝關又持使節過家山作仙菴固芝
田裏寓直蓬萊藏室間握手清談紗帽點羨君白
日繡衣還來年貢了雲龍壁便綴金臺玉箏班

梅花國裏荔枝村頗記張燈作上元一別頻蒙訪

生死七年再見劣寒溫屬當閔兩祈群望不得臨

風共一尊誰為君王留國士吾襄猶擬呌天闇

亦聞小泊贊公房清曉扶藜叩上方君與一僧游
別嶂我行百匝遶長廊風巾霧屨來雲外雪檜霜
松滿袖香政是炎官張火傘不應多取海山涼

送李伯珍主管西歸

淡墨題名冠子衿一星州縣歎游沉向來寄我南
樓賦不減古人東武吟几閣文書聊韞玉蘭臺筆
札即綉金李家兄弟鷁鸞侶一日雙飛人上林

聖上閔兩徧禱未應下詔避殿減膳感歎
賦之

夏旱焚如復入秋聖皇避殿減瓊羞數峯北峙雲
垂合一陣西風雨又休逐月望寬穿却眼何時倒
海作奔流諸賢袖有為霖手不漏天瓢洗主憂

七月二十三日題李亭之墨梅

夏熱秋逾甚寒梅暑亦開無塵管城子幻出雪枝
來

牽牛花

素羅笠頂碧羅擔晚卸藍裳著茜衫望見竹箒心

獨喜翩然飛上翠瓊簾

莫笑渠儂不服箱天孫為織碧雲裳浪言偷得星

橋巧只解冰盤染茈薑

曉思散欣脫思愁繞離索架太嬌柔木犀未發芙蓉

落買西湖風恣意秋

江下送客

却因送客動歸心過市逢喧悶不禁偶見人家好
池館柳行盡處一亭深

和姜邦傑春坊續麗人行

即東坡集中周昉畫背面欠伸內人東坡賦

之韓子倉又賦之今姜君又賦之予因和姜韻

玉人自惜如花面不許黃鸝鸚鵡見若令畫史識
傾城寫徧人間屏與扇春光嬾困扶不起吹殘玉
笙也慵理是誰瞥見一梳雲徹月影中掃穠李
阿肪姓周不姓顧筆端那得蓮生步無妨正面與
渠看看了冉青無盡處古來妍醜知幾何嫫母背
面謾人多君不見漢宮六六多少人畫圖枉却王
昭君是時當面看寫真却遣琵琶彈塞塵不如九
京喚起文與可麌窮媒醉與竹 傳神

和姜邦傑春坊再贈亡字

可笑詩人死愛名吻間長作候蟲聲鍊成九轉丹砂著羸得千莖白雪生政使古今傳不朽不知身世竟何成老夫老去真休去一聽梅山主夏盟姜有梅山

集

木犀初發呈張功父

塵世何曾識桂林花仙夜入廣寒深移將天上衆香國寄在梢頭一粟金露下風高月當戶夢回酒醒客間砧詩情惄得渾無那不為龍涎與水沉

又和

詩人家在木犀林萬頃湖光一徑深夾路兩行森翠蓋西風半夜散筵金邀賓把酒香浮玉璧冰甃霜膾落砧掇取仙山入京洛不妨冷眼看昇沉分得吳剛斫處林鵝兒酒色不湏深系從犀首名干木汎別黃香字子金衣灑薔薇兼水麝韻如月杵應霜砧餘芬薰入旃檀骨從此人間有桂沉端能小脫簿書林招喚詩流卜夜深老我愁墮半山玉憑君淺酌一荷金水邊賞桂秋圍坐雨後摘蔬香滿砧乘醉却來湖上戲手翻波月看浮沉約齋詩客坐詩林汎入江西徹底深縫霧裁雲後

織錦明堂清廟玉盤金已呼毛穎峨齋臼更約姐
娥聘豪砧細詠新來木犀句一燈明滅夜沉沉
老子江西有故林萬松圍裏桂花深憶曾風露飄
寒粟自領兒童拾落金割蜜旋將操作餅擣香湏
記不經砧一技未覺秋光減燈影相看萬籟沉
帝城底裏有山林桂樹團團煙霧深玉臂折來數
枝月銀鬢羞押滿頭金談間千首有此客空外一
聲何處砧酒亦銷愁亦生病不湏不醉不湏沉

題徐衡仲西牕詩編

江東詩老有徐郎語帶江西句子香秋月春花入

牙頰松風澗水出肝腸居仁衣鉢新分似吉甫波
瀾併取將嶺表舊游君記否荔枝林裏折桄榔

題吳夢與古樂府

金麥穗惟銀蒜鈎水光殿後月華樓頭鳥歌花笑柳
起舞何處人間更有愁吳郎那得吳宮語夢裏苧
羅人道許低紅揜翠曲未終小兒索飯啼門東

賀 皇太子九月四日生辰

金莖分露與黃花銀漢非煙作瑞霞禹國元良當
誕節重輪日月正光華祖堯父舜真千載禹子湯
孫更一家清曉壽觴天上至蟠桃如甕棗如瓜

曲學光陰璧不如簡編燈火卷還舒極知儲后勤
稽古却是儒生嬾讀書心到帝王圖籍外手追雅
頌國風初人間未見瑤山集十倍曹丕尚有餘

題薰陁中興慶壽頌

炎暉十華生太皇即宋光武趙少康皇穹柱折地
無軸再闢三極紀八荒與天同仁自同壽八十萬
歲登九九淳熙天子駕蒼龍春王三朝領群后是
時雪花曉尚飄日華飛來雪即銷玉卮灑海泛椒
柏寶冊錯錦凋瓊瑤虞典漢儀照億世可無鴻筆
描天下惟窺園幾代孫濃墨大書三萬字點竄

封禪典引辭塗改皇武負符詩珠璣金玉柂作胥
鑄出夏鼎仍商彝歧陽石鼓魚貫柳涪溪石崖非
好手誰將臣陁中興慶壽篇刻之玉版藏名山何
千萬年千萬年

石榴

深著紅藍染暑裳琢成紋玳敵秋霜半含笑裏清
冰齒忽綻吟邊古錦囊霧縠作房珠作骨水精為
醴玉為漿劉郎不為文園渴何苦星槎遠取將

九月十日同尤延之觀淨慈新殿

昨兩敗重九謂併敗此行雲師出小謫垂曉偷放

晴初愁落君後我反先出城佇立已小倦喜聞馬
來聲南山有新觀大殿初落成入門山脊動仰目
天心橫柱起龍活立擔飛鵬怒昇影入西湖中失
盡千峯稜天竺拉靈隱駿奔總來庭老禪定何巧
幻此壯玉京書生茅三間饑眠方曲肱

看劉寺芙蓉

初約山寺游端為怪奇石那知雲水鄉化作錦繡
國人門逕深深過眼秋寂寂隔竹小亭明禡紅漏
踈碧山僧引幽蹤絕巘恣佳陟三步綺為障十步
霞作壁爛如屏四圍搭以帳五色滿山盡芙蓉山

僧所手植秋英例臞淡此花獨腴澤却憶補外時
朝士作祖席是間萬株梅冷射千崖白舊游不可
尋雪枝半襟棘

劉寺展繡亭上與尤延之久待京仲遠不至再相待於靈芝寺

南山十月菊秋酌有前諾東省三同舍山行何用
約也後相丁寧彼此撥忙著清晨到劉寺寸步輒
倚薄望君久未來細意揀巖岳上到展繡亭聊復
休倦脚回覽西湖天向我懷中落山幽人轉孤境
勝情反恧昔賢願獨徃對影誰與樂或者欣群游

避喧那可却我隨梁溪叟觴次饒驩謾坐無山浦
翁談間頓蕭索斜陽更待渠小向靈芝泊

買菊

老夫山居花繞屋南齊杏花北齊菊青春二月杏
花開抱瓶醉卧錦繡堆涼秋九月菊花發自折寒
枝挿華髮湘累落英曾幾何陶令東籬未是多吾
家滿山種秋色黃金為國就中更有一丈黃霜葩
月藥耿出牆飲徒七酒尋不得一身花露香如今
小寓咸陽市有口何曾問花事百錢檐上買一株
聊伴詩人發幽意

朱新仲舍人瀟山詩集其子慙叔止見惠

且有詩和以謝之

瀟山詩伯錦裁篇王樹郎君手為編美似洛花爭
曉靚清如江月赴秋圓力追杜老今誰擬親得陵
陽夜半傳再拜一吟三太息青燈細雨伴淒然

再和謝朱叔止機宜投贈獎及南海集之

時在秋日

重陽風雨不全篇春草池塘豈滿編好句誰言較
多少古人信手斲方圓自慙下下中中語只合休
休莫莫傳珍重銀鈎揮玉唾竟無瑤報只空然詩

有獎二千篇之
句故首章及之

經和寧門外賣花市見菊

病眼仇冤一束書容舍葭莩菊一株看來看去兩相厭花意索寞恰似無清曉肩輿過花市陶家全圃移在此千株萬株都不看一枝兩枝誰復貴平地掀起金浮屠瑞光千尺照碧虛乃是結成菊花塔蜜蜂作僧僧作蝶菊花障子更玲瓏生抹翡翠鋪屏風金錢裝面密如積金鉢滿地無人拾先生一見雙眼開故山三徑何獨懷君不見內前四時有花賣和寧門外花如海

九月十五夜月細看桂枝北茂南缺未經古人拈出紀以二絕句

桂樹永輪兩不齊桂圓不似月圓時吳剛玉斧何曾巧斫盡南枝放北枝

青天如水月如空月色天容一皎中若遣桂華生塞了姮娥無殿兔無宮

和張功父病中遺懷

人自窮通詩自詩管渠人事與天時鶴長未便賢鳬短梅早那湏笑杏遲公子近來吹說病老夫秋至不曾悲人生隨分堪行樂何必蘭亭與習池

早入東省殘月初上

秉燭趨省署兩街猶閉門素娥獨早作碧沼漣
盆寶釦剥見漆半稜光剝銀忽作青白眼圓視向
我嗔黑氣貫瞳子側睨不敢真皎然一玉李前行
導征輪熒然數金粟後扈從車塵朝雞傳三令都
騎爭載奔星芒銷欲無月影澹失痕金鴉飛上天
吐出紅龍鱗

卦山緩轡入東宮門望見漁浦山

漁浦孤峰入九城承華門裏最分明馬頭看得山
低去夾道芙蓉紅露聲

和徐衡仲惠詩

風驂壇上徑雄趨不作能辭笑矣乎紙落雲煙看
醉旭氣含蔬筭薄僧殊夜來霜月千家溝雨後風
埃半點無安得與君幽討去一觴一詠惱西湖

和張功父夢歸南湖

一生兩事苦相關從仕居貧併作難顧我雪穿行
腳韁羨君身作在家官曉分京兆月半璧夕問南
湖水幾竿桃李能言春滿坐向人猶自訴霜寒

張功父請祠甚力得之簡以長句

老夫不及朱師古納却太常步卿得潼府老夫不

及張約齋乞得華州仙觀名雲臺金印如斗床滿
笏富貴何曾膏白骨一世窮忙為阿誰終日逢人
皺兩眉賣身長鬚仍赤脚忍面墦間乞東郭添丁
德曜喜欲顛孤竹一簾真箇錯張君有他復有田
朱君歸去無一錢老夫老矣不歸去五柳先生應
笑汝

三老董公

一色三軍雪染衣拔山氣力陡然襄三王事業無
多子却是良平不得知

利州路提刑秘書張季長送洮研發視乃

一段柏木也作詩謝之

繡衣使者稟霜威方丈仙人舊羽儀別去十年真
一夢書來萬里寄相思如何綠石涵風面化作青
銅溜兩枝却送新詩報嘉惠偷兒當不要新詩

送德輪行者

瀝血抄經奈若何十年依舊一頭陀袈裟未著愁
多事著了袈裟事更多

擬上舍寒江動碧虛詩

江遠澄無底秋深分外寒太虛元碧淨倒影動清
湍浪雪翻空碎天藍落鏡看光搖蘆葉冷聲戰蓼

花乾盡手凋心苦詩脾覓句難人間那有許我欲
把漁竿

送朱師古龍圖少卿師潼川

璧水蓬山徧羽儀頌臺公府更光輝紫荷到眼垂
持橐黃菊關心便拂衣鸞子運籌年尚少買臣衣
繡日思歸小煩論蜀湏還報却袖香煙侍太微
甲戌花時策集英相看鬚鬢各青青曲江初別春
三月北闕重來再一星百石去官君似邴千年歸
鶴我輸丁因書若寄揚貟外莫道山寒步狹苔

高宗聖神武文憲孝皇帝挽詩

芒動長星埽親揮却日戈再今天有柱一定海無
波黃屋非堯樂薰琴付舜歌祗書魏蕩字誅語不
須多
更造今光武中興昔武丁雲昭河洛畫天作典謨
經立極餘三紀顧神再一星堯山鄰禹穴松雪蔚
爭青

記夢

夢游一山寺山水清美花草芳鮮
未見寺而聞鍾夢中作三絕覺而

記之

雲袖危相襯霜鍾韻政遲忽然數聲急却是住撞時

水動花梢動花搖水影搖不知各無意為後兩相招

霧外知何寺鍾聲只隔山望來無里許還在九霄間

題眉山程侯所藏山谷寫杜詩帖

杜家碧山銀魚詩黃家虎卧龍跳字六丁難取真
寄愁程家十襲今三世程家稱家元舅甥子瞻正
輔外弟兄正輔有孫文百鍊筆倒三江胸萬卷公

車軒策五十篇王札國體航化源遠謀小扣囊底
智環詞未出海內傳三年抱璞咸陽市子虛無因
達天帝如今却買巴峽船峩眉山月秋正圓丈夫
身健恐不免即召枚臯未渠晚

題臨川李子經文豪

聖經賢傳緊關淒騷客詩家妙斧斤忽被先生漏
消息不令後輩闡知聞都城一日紙增價天下幾
人貧似君不要綿袍却歸去平生笑殺送窮文

送喻叔奇工部知處州

厭直含香與握蘭一麾江海汎難括蒼山水名

天下工部風煙入筆端新國小遲懷印綬故園暫
許理漁竿即看治行聞天聽紫詔徵還集孔齋

送劉童子

天上麒麟地上行掌中珠玉月中生瀾翻六籍吞
諸子聲動三公及九卿別有詩書真事業不應童
子是勲名長成來奏三千牘桃李春風冠集美

題劉道原墓次刪直亭

山南山北蔚松楸四海千年仰二劉迂叟餽縑寧
凍死伯夷種粟幾時秋平生鐵作三尺喙土直人
間萬戶侯廬阜作江江作阜始應父子不傳休

除夜張功父惠詩索荆溪集次韻送淮
早淮荆溪集應無挂隱詩梅邊五字律管底一班
窺新歲來朝是流年去浪移誰能守除夕妨我夢
歸時

題畢少董繙經圖

畢敷文少董名良史紹興初陷虜境居汴閉
戶著春秋正辭論語探古書有宋哲夫李顧
良輩執經師之好事者寫為繙經圖宋執一
卷書背立月讀且指李執一卷書向其師若
有問者而少董坐一榻上後有二女奴各有

所執而阿冬者坐其間少董之季子也女奴
之髽者曰孫壽冠者曰馬惠真哲夫名城顧

良名師魏云

宋生把卷讀且指李生把卷問奇字榻上坐著一
老子右手秉筆祖左臂春秋論語訓傳成未成胸
中有話頗欲告兩生欲呼小白拉重耳同討大戎
尊帝京蠶妾不解事兩生未可語冬卽政兒癡誰
能復憐許繙經未了報歸期攜書歸來獻玉墀胡
沙滿面無人識回首兩生斗南北

戊申元月立春題道山堂前梅花

今年元月不孤來帶領新春一併回首夜雨初添石
渠水東風先入道山梅不妨數朵且微破未要十
分都盡開江路野香元自好阿誰移取種蓬萊

龍山送客

念念還鄉未得還偶因送客到龍山分明認得西
歸路只是回車却入關
無奈鄉愁只強忘龍山喚起再思鄉故鄉依舊千
山外却被龍山斬殺腸

問春

今歲春歸不小心合將消息報園林蘇公堤上千

株柳二月猶慳半縷金

元日春回不道遲忽忽未遣萬花知道山堂下紅

梅樹速借晴光染一枝

曉人秘書省過三橋

船底吳儂尚宴眠一船炊飯數船煙行人各自東
西岸抵死回頭看兩邊

謝譚德稱國正惠詩

今年日瘦天不喜玉皇顏慘方諸淚草木無光紅
紫遲春半何曾有春意誰將好手挽春回割取錦
江春色來七星橋邊楊柳動百花潭上桃李開乃

是國子先生贈詩卷筆下東風隨手轉君不見李
家謫仙吟掉頭解道峨眉山月半輪秋又不見蘓
家老仙永啄句更說只恐夜深花睡去先生辨着
錦繡腸竭來西湖山水鄉乞君湖山入詩囊法嗣
兩仙一瓣香

連日二相遇史局不到省中後園杏花開

盡

史館頻催史筆遲道山還解有忙時後園兩日不
曾到開盡杏花人不知

元日新春已早歸却緣春雪勒春遲一年柳色今
何似政是猶黃未綠時

讀梁武帝事

眼見臺城作劫灰一聲荷荷可憐哉梵王豈是無
甘露不為君王致蜜來

政悟空道人墨蹟

臨川蔡教授詭之母徐氏諱蘊行自號悟
空道人學虞書得楷法手抄佛書跋以五

言

葱嶺書如積銀鈎墨尚新前身虞學士今代衛夫

人曲水俗蘭禊明珠採洛神更令添此帖急就不
須珍

嘉定元年春三月男

長孺

編定

端平元年夏五月門人羅

茂良

校正

誠齋集卷第二十四

廬陵楊

万里

廷秀

詩

朝天集

偶送西歸朝天二集與尤延之蒙惠七言
和韻以謝之

西歸累歲却朝天，添得囊中六百篇。
垂棘連城三倍價，夜光明月十分圓。
競誇鳳沼詩仙樣，當有雞林賈客傳。
我似岑參興高適，姓名得入步陵編。

右延之詩

梁溪歸自鏡湖天筆捲湖光入大篇傾出錦囊和
雨濕烟如柘彈走盤圓許分句法何曾付自笑蕪

辭敢浪傳兩集不須求序引紙將妙語冠陳編

尤文

號梁溪居士新歸自朝陵所

右和

跋王順伯所藏歐公集古錄序真蹟

遂初欣遇兩詩伯臨川先生一禪客三人情好元
不踈抵是相逢逢不得渠有正觀碑儂有永和詞
真贊爭到底未說妍與蚩珊瑚擊得如粉碎趙壁
博城翻手悔不似三家鬪斷碑夜半戰酣莫先退

皇朝愛碑首歐陽集古萬卷六一堂玄珪漆玉堆
墨寶夥霜黑水塗綯裳臨川無端汲古手席卷歐
家都奄有岣山科斗不要論嶧山野火不經焚尤
家沉家喙如鐵未放臨川第一勲不知臨川何許
得尤物集古序篇出真筆遂初心妬口不言君看
跋語猶悵然遂初欣遇尤延之沉虞卿自號也二
公與順伯皆喜收碑刻各自誇尚

和趙稷目惠詩軸

今代宗英政駿賢同居江介更同年別來十載長
相憶新聽千詩喜欲顛袞似月華秋豔豔韻如荷
葉夏田田吹燈把翫歸還卷老眼惺忪夜不眠

和段季承左藏惠四絕句

箇箇詩家各築壇一家橫割一江山
祗知輕薄唐

將晚更解攀翻晉以還

遮莫蟠胸書似山更饒落筆語如泉陰何絕倒無

人怨却怨渠儂秘不傳

道是詩壇萬丈高端能辨却一生勞阿誰不識珠

將玉若箇關渠風更驟

四詩贈我儘新奇萬象從君聽指麾流水落花春

寂寞小風淡日煦差池

和張功父梅詩十絕句

今歲柴車揔未巾孤山龍井不曾行老無半點看

花意遮莫明朝雨及晴

道山堂後數株梅為底偏於雨裏開到得晴來無
一朵亂飛白雪點蒼苔

不是春光不早回却緣春雪勒疎梅詩人縱有催
花手有雪堪推花只推

淡淡梅花不要裝真珠樓閣水精鄉驅人詞客猶
愁冷紫蝶黃蜂更敢忙

東皇歲歲駕蒼龍只許仙妃萬玉從天上永霜清
人骨人間桃李若為容

約齋句子已清圓更飈梅花分外妍不飲銷金傳
玉手却來齧雪聳詩肩

道是梅兄不解琴南枝風雪自成音玉繩低後金
盆落獨與此君談此心

橫斜影裏惜花殘忘却人間一鼠肝莫怨梅殘看
不足請君明歲早來看

要與梅花巧鬪新恨無詩句敵黃陳約齋詩好人
仍好不怕梅花賽却人
老子年來不願餘痴慙霜鬚入金鋪故山自有梅
千樹夢繞橫枝撫斷鬚

去瑞香病兼

紫蕤落盡長青枝政是添新換舊時辛苦為渠矜
病兼慇懃挽住是游絲

和衣起巖即中投贈七字二首

故人一別兩相思不但平生痛飲師胸次五三真
事業筆端四六更歌詩閉門覓句今無已刻意傷
春古牧之卧雪高人家譜在春風政著紫蘭枝
道塲山下弄山泉餐菊紉蘭萬物先送眼飛鴻高
四海補天健筆震三川池塘碧草回春夢衣鉢黃
梅肯夜傳雨不饒人有新句怨渠未許見全篇

跋袁起巖所藏後湖帖并遺像一軸詩中語皆隱括帖中語也

先生向來落異縣故人十載不相聞歸來不但荒
三逕點檢松菊無一存裹輪加璧豈不好朝廷禮
數優遺老紅旗黃紙久罷休青山白雲苦死留咫
尺西岡歸未得只待桃花水生半篙碧便拏短艇
歸結茅共尋赤松與黄石風煙之表非人間別有
天地寬且閑周山賣却不要錢袁家送酒一破顏
猶嫌孤斟太落寞更覓高人共杯杓銀鈎四紙墨
尚鮮妙處難與俗人言忽逢先生自天降手扶太

一青藜枝仙客可望不可親飄然飛去青霞上白
癡滿掉何時歸秋看蘆花知不知

謝邵德稱示淳熙聖孝詩

古人浪語筆如椽何人解把筆題天崑崙為筆點
海水青天借作一張紙作商猗那周皇矣廷尉簿
正邵夫子淳熙聖孝貫三光題大如天誰敢當夫
子一洒金玉章銀河吹笙間琳琅吉甫奚斯鴻鴈
行彼何人哉唐漫郎夜來玉蟲雜金粟老夫春寒
眠不足起來拾得聖孝詩燈花阿那聖得知

題曾無已所藏高麗足紙蔡君謨歐公筆

蹟

詩齋集卷之四

三韓玉葉展明蠲諸老銀鈎卷碧鮮幸自不逢文
興可一竿秋竹掃風煙

夢種菜

予三月一日之夜夢游故園課僕夫種菜若
秋冬之交者尚有菊也夢中得菜子菊花一
聯覺而足之

背秋新理小園荒過雨畦丁破塊忙菜子已抽蝴蝶翅菊花猶著鬱金裳從教蘆菔專車大音早覺蔓菁摸鼻香宿酒未銷羹糁熟折醒不用柘為漿

謝曹宗臣惠雙溪集

君不見東陽沈隱侯君不見宣城謝玄暉兩處雙溪清徹底二子詩句清於溪千載却有曹夫子天借古人作詩地家在東陽寶彝邊官在宣城蓮幕裏溪光滴作兩眼明溪秀吐作五字清開卷看來掩卷坐詞波跳作雙溪聲無人寫作雙溪操收拾新篇句中妙莫將沈謝鴻鴈行便與猗那薦清廟過霸東石橋桐花盡落曾夢壓尾桐花也作塵

老去能逢幾箇春今年春事不關人紅千紫百何曾夢壓尾桐花也作塵

春雨呈袁起巖

昨日晴暄儘十分無端寒濕復今晨蒼顏華髮差
挑老急雨顛風屏當春只有觀書堪遣日從來病
眼不如人詩名滿世真何用更賺先生顧卜鄰
再和

三月陰晴頃刻分晚來非午午非晨閉門細草新
蒲雨過眼飛花落絮春顧我江湖釣竿客識君臺
閣步雲人柯山不患無人佐便合留中作近鄰

擬玉水記方流詩

觀水那無術曾於往記未是間還韞玉其外必方

流纈栗淵潛久英華氣上浮清波皆中矩寶祲直
橫秋金海芷相貫璿源折以幽端如君子德不病
暗中投

擬歸院柳邊迷詩

玉殿朝初退金門馬不嘶院深歸有處柳暗迹都
迷紫陌春無際青絲舞正齊風煙志近遠樓閣問
高低殘雪鶯聲外斜陽鳳掖西少陵花底路物物
獻詩題

擬汲古得脩綆詩

學子研終古難將短淺求汲深欣得得操綆要脩

脩遠酌源千載長繆思萬周初如泉眼闊忽若井
花浮意到言前達詞於筆下流昌黎感秋句聖處
極冥搜

謝張功父送牡丹

病眼看書痛不勝洛花千朵喚雙明淺紅醜紫各
新樣雪白鵝黃非舊名檻輦精神微兩過留連消
息嫩寒生蠟封水養松窓底未似瑣攔倚半醒

張功父送牡丹續送酴醿且示酴醿長編

和以謝之

溪桃紅霞作紅兩海棠飄盡春無處約齋錦幄一

夜空行李移歸雪宮住只道青蛟弱無力飛上朱
簷還有翼貧看翡翠積成堆忽吐瓊瑤真作劇素
影與月相將迎綠雲和露相扶擎南枝暗香久寂寞
此花與梅同一清老夫最愛嚼香雪不但解醒
仍滌熱牡丹未要煎牛酥酴醿相領入冰壺約齋
知我春愁重併遣二友來相娛惜無老盆一快舉
淡日微風花自舞約齋詩瘦浪作癡君不見酒不
到劉伶墳上土

和張功父送黃薔薇并酒之韻

海外薔薇水中州未得方旋偷金掌露淺染玉羅

裳已換桃花骨何湏賈氏香更煩魏生輩同訪墨

池楊

功父詩云已從槐借葉更與菊為裳

和張功父聞子規

久雨今朝忽作晴老人懷抱不勝清仲宣久作登樓賦望帝更吟當殿聲春去春來渾是夢花開花落若為情歸心不用渠催喚自有江鷗與狎盟

跋范文公與尹師魯帖

帖云承朝車憩歇南亭未敢拜謁且請與通判契食所事不湏與衆云云也當是尹責均州監酒自均來訪范於南陽時也

佳客千山得得來主人雙眼為渠閑逢人莫說當時事且泊南亭把一杯

跋韓魏公與尹師魯帖

帖中語蓋韓公經略西事時以書與尹往還多謀畫軍事

侍中尺箋捷羌酋更得河南共運籌到得降書來北闕河南騎馬去均州

跋陳簡齋奏草

詩宗已上步陵壇筆法仍抽逸少關真蹟總歸天上去獨留奏草在人間

又跋簡齋與夫人帖

帖云平江尚留兩月書中說錢盡再遣四尊

家在錢塘身在蘇虞寥消息近來踈極知薪水無

錢買且遣長鬚送乘壺

丘母太碩人

戴氏挽詩丘宗卿之母

行樂潘慈母榮封衛碩人金花五色誥雨葉六番
春白露凋萱慘青山拱木新九齡真上壽一子更

名臣

共伯松楸後宗文玉雪初吹燈躬夜績聽子讀殘
書帥闔方蘭膳王畿又啟輿藥成人不見月裏踏

蟾蜍

劉平甫挽詩

忠孝元家法經綸豈嬾心日邇遲信息霞外且山
林風月詩天巧乾坤酒陸沉一生久半面五字寄
哀音

忠顯肩雙廟屏山籙二程嶺寒松節苦壇暖杏花
明君也孤傳業天孚獨短生子孫無一物故紙付
渠耕

江西道院集

戊申四月九日得請補外初出國門宿釋迦

寺

出却金宮入梵宮翠微綠霧染衣濃三年不識西湖月一夜初聞南澗鍾藏室蓬山真昨戲園翁溪友得今從若非朝士相追送何處冥鴻更有蹤題南屏山興教寺清曠樓贈擇訥律師清曠樓中夕眺間落暉殘雨兩生寒樓中占盡南山了更占西湖與北山

明發南屏

新晴在在野花香過雨迢迢沙路長兩度六朝今結局一生行客老還鄉猶嫌數騎傳書札剩喜千

山入肺腸到得前頭上船處莫將白髮照滄浪

過南蕩

秧綰束髮幼相依麥已掀髯喜可知笑殺檮籬能耐事東扶西倒野酴醿

近岫遙峰翠作圍平田小港碧行遲垂楊一徑深深去阿那人家住得奇

政好行時莫嬾行猶寒未熟雨初晴江西休問何時到已離南屏第一程

過楊村

石橋兩畔好人煙匹似諸村別一川楊柳陰中新

酒店蒲萄架底小漁船紅紅白白花臨水碧碧黃
黃麥際天政雨清和還在道為誰辛苦不歸田

側溪解纜

夢裏喧聲定不凡順風解纜破晴嵐起來職事惟
洗面此外功名是掛帆莫笑一蔬兼半菽飽餐万
岳與千巖蓬萊雲氣君休望且向嚴灘濯布衫

洗面絕句

浙山兩岸送歸艎新擣春藍淺染蒼自汲江波供
盥漱清晨滿面落花香

山人輯舟過桐廬

瀟洒桐廬縣塞江繚一灣朱樓蘭綠柳白塔映青
山稚子挑窓出舟人買菜還峯頭好亭子不得一
躋攀

近縣人人喜來船岸岸移偶因小泊處恰是早餐
時喚僕答相亂看山寒不知橫洲猶半在今歲水
生遲

後面山無數南頭柳更多人家逼江岸屋柱入滄
波老去頻經此重來更幾何牛山動悲感曾侍板
輿過

溜港灘

此去嚴州只半程一江分作兩江橫忽驚洲背青
山下却有帆檣地上行

午睡聞子規

睡眼鬟鬆未爽時一聲杜宇頻開眉不須報道思
歸樂今我真歸不用思

已過胥口將近釣臺

睡起衣襟亂頭巾百摺痕帆端風色緊船底水聲
喧胥口寃餘浪嚴灘釣處村因行還訪古故老莫
能言

釣臺

釣石 三千丈將何作釣絲肯離山水窟去作帝王
師小范真同味玄英也並祠老夫歸已脫臭遺客
星知

蘭溪女兒浦曉寒

前年寒早熱亦早去年寒遲熱亦遲何曾寒暑有
遲速通融三年船允支人生何必早得意芍藥榮
時牡丹瘁榮枯遲速一笑休順風今日好行舟

橫山塔

相識橫山塔于今十五年孤標立絕頂禿影照清
川寂寥無香火將迎幾舫船吾衰豈重過珍重塔

中仙

舟過蘭溪

駕雨顛風過即虛殺風急雨有還無雲山奔走無
停住岸樹欹斜不要扶船底石聲知淺水沙頭笠
影倦牽夫金臺祇在橫山背便到金臺也日晡

嘲釋子

雨裏船中不自由無愁釋子亦成愁看渠坐睡何
曾醒及至教眠却掉頭

雨中遣悶

船蓬深閉膝難安四面千峯不得看莫厭霏微悶

人雨掉秧怕熱愛輕寒

橫山江岸

近船古岸不勝高浪劃濤剜似削刀層石層砂層
膩土僧廚蒸出栗黃糕

舟中午睡

一葉搖無定昏然妙思通化為漆園蝶飛入大槐
宮有酒相勾引無茶作冠戎平生眠不足還債艤
聲中

炙蒸餅

圓瑩僧何矮清鬆絮雨輕削成瓊葉片嚼作雪花

聲炙手三家市焦頭五鼎烹老夫饑欲死汝輩且

同行

睡起觀山

過雨前汀未可登舉篷小散睡瞢騰船頭政好看
山色一點江風冷似冰

柴步灘

江闊水不聚分爲三五灘遂令客子舟上灘一一
難小沙已成洲大洲已成山山有樹百尺樹圍屋
數間水底復生洲沙濕猶未乾從此洲愈多安得
水更寬憶從嚴陵歸水落不能湍拖以數童僕折

却十竹竿今茲過吾舟念昔猶膽寒

東磧灘

江船初上灘灘水政勃怒船工與水鬪水力攔船
住琉璃忽破碎冰雪逆吞吐竟令水柔伏低頭船
底去朝來發盈川已過灘十許但聞浪喧闐未覩
水態度却緣看後船偶遇見奇處從此至三衢猶
有灘四五

將至地黃灘

未到地黃灘十里先聞聲櫓竿已震掉未敢與渠
爭舟人各整篙有如大敵臨舉篷試一望濺雪紛

淙琤乃是水磧港為灘作先鳴真灘定若何老夫虛作驚

蘇木灘

灘雪清濺眸灘雷怒醒耳落洪翠壁立跳波碧山起船進若戰勝船退亦遊戲若非篙師苦進退皆可喜忽逢下灘舟掀舞快雲駛何曾費一棹繞灘已數里會有上灘時得意君勿特

遼車灘

車岸上不得西岸上更難五船往復來經緯灘兩間一船初往進當流為衆先濤頭打澎湃退縮不

敢干一船作後殿忽焉突而前瞬息越湍險回顧有矜顏老夫與寓目亦為一粲然

舟中新暑止酒

新暑酒不宜作熱妨夜睡不如看人飲亦自有醉意彼飲吾為嚥所羨過於味同舟笑吾癡吾不羨渠醉安知醉與醒誰似誰不似

過查瀨

眼底常山一武中上灘更得半帆風青天以水為銅鏡白鷺前身是釣翁舊日岸頭渾改盡數尖山觜忽挽空老夫只費五六月行盡浙山西復東

舟過大水旁羅灘渴甚小飲

熟水無多喫烹茶未要來從教十分渴連掃兩三
盃岸樹背船走江波閃日闌靈山定能飲分酌碧

蓮醅

信州酒名
碧蓮堂

過鉛山江口

下却諸灘水漸平舟行已遠上饒城酒家便有江
鄉景綠柳梢頭樹玉瓶

過弋陽觀競渡

急鼓繁钲動地呼碧琉璃上兩龍趨一聲翻倒馮
夷國千載淒涼楚大夫銀槐錦標夸勝捷盡橈繡

臂照江湖三年端午真虛過奇觀初逢慰道塗

靈山

饒水回回轉靈山面面逢展成青步障欵作碧芙蓉
變態百千樣尖新三兩峯遠看方更好還隔翠雲重

龜峯

明發大環山龜峯引頸來對面亭午過弋陽龜峰
縮頭不相見綠毛蒙茸淨如染紫縠輪囷有班點
不知七十二鑽神不神桃花市裏看最真

五月一日過貴溪舟中苦熱

半月陰涼天氣佳今朝新暑不饒些一生怕熱長
逢熱千里還家未到家入却船來那得出恰方日
午幾時斜勸君莫愛高官職行路難時却怨嗟

初二日苦熱

人言長江無六月我言六月無長江只今五月已
如許六月更來何可當船倉周圍各五尺且道此
中夜寬窄上下東西與南北一面是水五面日日
光煮水復成湯此外何處能清涼掀蓬更無風半
點揮扇只有汗如漿吾曹避暑自無處飛蠅投吾
求避暑吾不解飛且此住飛蠅鮮飛不飛去

端午前一日阻風鄱陽湖觀競渡

惡風夜半阻歸船端欲留人作勝緣千里攜家觀
競渡五湖新漲政黏天棹翻波浪山如雪醉殺兒
郎喜欲顛得去更佳留亦好吾曹何處不欣然

初六日過鄱陽湖入相見灣

阻風兩日卽高挽笑傲江妃縱酒杯及至絕湖纔
一瞬翻令病眼不雙開蘆洲荻港何時了南浦西
山不肯來相見灣中閼人死一灣九步十萦廻

過趙家莊

老子方孤悶西山忽在旁回頭鄒子砦明眼趙家

莊試飲章江味中涵吉水香望鄉儂已喜而況到
吾鄉

十五日明發石口遇順風

沂流淺水刺樓船百棹千篙祇不前一夜波聲喧
到曉北風氣力欲翻天掛帆未了青泥過轉眼相
將玉笥遍無數小舟俱在後追儂不及指為仙

山居午睡起弄花

五年出仕喜還家雙桂成陰不闋些午睡起來無
理會銀盆清水弄荷花
數片荷花漾水盆忽然相聚忽然分從教壓捺沉

盆底依舊浮來無水痕

浸得荷花水一盆荷來洗面漱牙根涼生鬚鬢香
生頰沉麝射龍涎却是村

賀必遠叔四月八日洗兒

年年四月初八日水沉湯浴黃金佛今年大阮當
此時真珠水洗白玉兒吾家英傑相間起曾出關
西老夫子公家宣和中大夫大江之西推名儒六
十年來誰繼渠顧兒長成讀祖書再起門戶光鄉
閭

七月二十三日南極老人星歌上叔父十

三致政一杯千歲之壽

淡溪居士登九齡朱顏青鬢如後生橫拖仙人綠
玉杖倒誦上帝黃庭經璇霄仙籍書姓名丹霞染
誥金花綾近來更覺雙眼明夜抄蠅頭寫下燈登
山臨水兩脚輕御風騎氣不用行何人有筆筆無
塵鵝溪一幅為寫真烏紗白苧坐鼓琴上有千歲
長松青令威旁舞玄夫聽箇是活底南極老人星

秋暑

夏暑減未曾秋暑增愈剝老翁避無處茅齋聊憩
息銀盆滿注水銀水同一色中涵雙桂影倒卧一

天碧清光湛不動欲弄還復惜偶然一擣灑樹影
碎相激洗面涼已滋漱齒痛仍逼平生畏秋暑老
去畏彌極

讀漢書二首

猿臂生何晚豚蟲死較遲生好底事遲死獨堪

悲

乃祖寬仍豁曾孫察作明不將囊底智分減及元

成

嘉定元年春三月男 長孺 編定
端平元年夏五月門人羅 茂良 校正

劉氏書二首

王氏詩錄

誠齋集卷第二十四終

第 35965 号
平成 3.11.22
聖和學
園短大
圖書館

928
七
6



